

Pemohon: Cert Holder Name
 Bakal Peserta: Participant Name

Tarikh: DD/MM/YY
 Tarikh Lahir: DD/MM/YY
 Umur: XX

HELAIAN PENDEDADAHAN PRODUK – FlexiCare-i Plus

Sila baca Helaian Pendedahan Produk ini sebelum anda membuat keputusan untuk menyertai pelan FlexiCare-i Plus. Pastikan juga anda membaca terma dan syarat di dalam Ilustrasi Manfaat dan Sijil Takaful setelah permohonan anda diterima.

AmMetLife Takaful Berhad ialah pengendali takaful keluarga berdaftar di bawah Akta Perkhidmatan Kewangan Islam 2013 dan dikawal selia oleh Bank Negara Malaysia.

1. Apakah FlexiCare-i Plus?

FlexiCare-i Plus ialah pelan takaful berkaitan pelaburan yang menawarkan kombinasi perlindungan takaful dan pelaburan. Pelan ini menyediakan manfaat takaful (iaitu: jumlah perlindungan dan nilai semasa unit pelaburan pada saat tuntutan) jika peserta meninggal dunia atau hilang upaya menyeluruh dan kekal ("HUMK") dalam tempoh perlindungan sijil.

Nilai pelan takaful berkaitan ini adalah bergantung kepada harga unit-unit sandaran, di mana ia bergantung kepada prestasi dana(-dana) yang telah anda pilih.

2. Apakah konsep-konsep Syariah yang diguna pakai?

- **Wakalah** – Pelan ini menggunakan pakai konsep Wakalah (Perwakilan), di mana semua pemegang sijil melantik AmMetLife Takaful Berhad (AmMetLife Takaful) untuk bertindak bagi pihak mereka untuk melaburkan dan menguruskan Dana Pelaburan Peserta (DPP) dan Dana Risiko Peserta-peserta (DRP). AmMetLife Takaful berhak menerima fi wakalah seperti yang dinyatakan dalam Ilustrasi Manfaat untuk menguruskan dan melaburkan dana-dana.
- **Tabarru'** – Pelan ini menggunakan pakai konsep Tabarru', di mana semua pemegang sijil bersetuju untuk menderma sebahagian daripada jumlah DPP yang telah ditentukan ke dalam DRP untuk tujuan bantuan bersama dan pertolongan kepada semua pemegang sijil ketika ditimpa musibah.
- **Qardh** – Pinjaman tanpa faedah daripada AmMetLife Takaful sekiranya DRP berada dalam keadaan defisit. Pinjaman ini akan dibayar semula (dengan nilai yang setara) daripada lebihan yang terhasil daripada DRP pada masa hadapan.

3. Apakah perlindungan-perlindungan / manfaat-manfaat yang disediakan?

Jumlah Perlindungan Asas untuk pelan ini adalah: RM XXX

Manfaat-manfaat pelan ini adalah:

Manfaat-manfaat	Jumlah akan dibayar
Manfaat Kematian	RMXXX dan nilai DPP.
Manfaat Hilang Upaya Menyeluruh dan Kekal (HUMK)	RMXXX dan nilai DPP.
Manfaat Matang	Nilai DPP.
Rider-rider Pilihan	Jumlah akan dibayar
Rider Penyakit Kritikal (PK)	RMXXX Jumlah Perlindungan tambahan akan dibayar jika peserta didiagnoskan dengan salah satu daripada 36 penyakit kritikal. Sila rujuk Lampiran untuk Senarai Penyakit Kritikal yang Dilindungi.
Rider Contribution Waiver	Sumbangan akan datang untuk sijil asas akan diketepikan jika Peserta didiagnos dengan salah satu daripada tiga puluh enam (36) penyakit kritikal. Tempoh perlindungan rider ini adalah XX tahun.

Rider Payor Waiver	Sumbangan pada masa hadapan untuk sijil ini diketepikan jika pemegang sijil meninggal dunia, mengalami hilang upaya menyeluruh dan kekal (HUMK) atau didiagnos dengan salah satu daripada tiga puluh enam (36) penyakit kritikal. Tempoh perlindungan rider ini adalah XX tahun.
Rider MedCare-i	R&B XX (RMXXX Deduktibel) Melindungi perbelanjaan hospital dan pembedahan disebabkan oleh penyakit atau kecederaan yang dilindungi sehingga tamat tempoh pelan asas. Kami akan membayar Caj Munasabah dan Biasa Diamalkan yang ditanggung bagi manfaat yang layak mengikut manfaat yang disenaraikan di dalam Jadual Manfaat. Sila rujuk Lampiran untuk butiran Jadual Manfaat.
Rider MedCare-i Xtra	R&B XX (RMXXX Deduktibel) Rider ini meningkatkan had tahunan MedCare-i Rider dan menyediakan manfaat tambahan untuk manfaat rawatan demam dengan pesakit luar, penjagaan kejururawatan di rumah, ujian genetik untuk kanser, ubatan dan rawatan pra-hospital oleh doktor pakar dan manfaat sekaligus untuk komplikasi diabetes. Sila rujuk Lampiran untuk butiran Jadual Manfaat.
Rider Kemalangan Diri	RMXXX Sila rujuk Lampiran untuk manfaat-manfaat rider ini.
Rider Hospital Benefit	Pelan X Bilik dan Penginapan Harian: RM150 sehari untuk setiap hari kemasukan ke hospital. Fi Perkhidmatan Ambulans: Pembayaran balik sehingga RM500 setiap tahun. Kemasukan ke Hospital Kerajaan: RM50 sehari.

- Dana Pelaburan**

AmMetLife Takaful Balanced Fund: XX%
 AmMetLife Takaful Balanced Plus Fund: XX%
 AmMetLife Takaful Equity Fund: XX%
 AmMetLife Takaful Sukuk Fund: XX%

Peringatan: Sila baca Ilustrasi Manfaat dan Helaian Fakta Dana yang disediakan oleh AmMetLife Takaful berkenaan manfaat-manfaat produk dan objektif dana berkaitan pelaburan. Adalah penting untuk memilih dana atau gabungan dana-dana yang menepati matlamat kewangan dan profil risiko anda.

4. Berapakah sumbangan yang perlu saya bayar?

Jumlah sumbangan yang anda perlu bayar dan terma-terma Sijil Takaful mungkin berubah bergantung kepada kelas risiko berdasarkan keperluan pengunderaitan AmMetLife Takaful.

Anggaran sumbangan yang anda perlu bayar: RMXXX setahun
Tempoh Sumbangan: XX tahun

AmMetLife Takaful memperuntukkan sebahagian daripada sumbangan untuk membeli unit-unit di dalam dana berkaitan pelaburan yang telah anda pilih. Sebarang amaun yang tidak diperuntukkan (fi wakalah) akan digunakan untuk membayar komisen kepada ejen/penasihat kewangan dan lain-lain perbelanjaan AmMetLife Takaful. Anda dinasihatkan untuk merujuk kepada kadar peruntukan yang diberi di dalam Ilustrasi Manfaat.

Anda mempunyai tiga puluh (30) hari dari tarikh sumbangan perlu dibayar untuk membayar sumbangan. Jika anda tidak membayar sumbangan anda di dalam tempoh tiga puluh (30) hari dari tarikh sumbangan perlu dibayar, sijil anda akan terus berkuatkuasa selagi nilai unit yang dilaburkan di dalam DPP adalah mencukupi untuk ditolak Tabarru' pelan asas, Tabarru' rider (jika ada) dan lain-lain caj; jika tidak sijil anda akan luput.

AmMetLife Takaful berhak untuk menyemak semula sumbangan dengan memberikan notis bertulis yang akan dikeluarkan bersama dengan notis mengenai semakan fi dan caj.

5. Apakah fi dan caj yang perlu saya bayar?

- **Fi Wakalah** – Fi wakalah sebagai peratusan sumbangan akan dikenakan. Sila rujuk kepada Ilustrasi Manfaat untuk amaan fi wakalah.
- **Tabarru'** – Amaun tabarru' akan ditolak secara bulanan dari nilai DPP anda. Amaun tabarru' ini akan meningkat berdasarkan umur anda. Butiran amaan tabarru' dan lain-lain caj untuk pelan ini adalah seperti yang dinyatakan di dalam Ilustrasi Manfaat.
- **Fi Perkhidmatan Bulanan** – RM12 akan ditolak secara bulanan daripada nilai DPP anda.
- **Fi Serahan** – RM100 atau 10% daripada nilai DPP, yang mana lebih rendah.
- **Fi Perkhidmatan Pentadbir Pihak Ketiga (PPK)** – RM40 setahun dan jumlah ini akan ditolak secara bulanan dari DPP.

6. Apakah terma dan syarat yang perlu saya ketahui?

- **Kepentingan Pendedahan** – Anda mesti mendedahkan semua fakta penting seperti keadaan kesihatan dan menyatakan umur/tarikh lahir anda dengan betul. Jika tidak Sijil Takaful mungkin akan dibatalkan dari awal.
- **Tempoh Rujukan Percuma** – Anda boleh membatalkan Sijil Takaful dengan memberi notis secara bertulis kepada AmMetLife Takaful dalam masa lima belas (15) hari daripada tarikh Sijil Takaful diterima oleh anda. Pada masa pembatalan, AmMetLife Takaful akan memulangkan yang berikut:
 - jumlah fi wakalah (sumbangan yang tidak diperuntukkan);
 - nilai DPP pada tarikh penilaian berikutnya; dan
 - sebarang amaan tabarru' dan fi perkhidmatan bulanan yang telah ditolak;
 - ditolak fi pemeriksaan perubatan, jika ada.
- **Had ke atas Manfaat HUMK** – Manfaat HUMK akan tamat dengan serta merta pada tarikh ulang tahun Sijil Takaful selepas hari lahir ke enam puluh lima (65) peserta. Jumlah keseluruhan manfaat HUMK setelah ditolak DPP yang akan dibayar kepada seseorang Peserta di bawah Sijil Takaful ini dan semua sijil individu dan berkelompok dengan AmMetLife Takaful adalah terhad kepada RM2,000,000.00.
- **Nilai Tunai** – Nilai tunai adalah nilai DPP Sijil Takaful berkaitan pelaburan anda berdasarkan prestasi dana-dana berkaitan pelaburan yang telah dipilih. Semakin tinggi nilai perlindungan takaful yang dipilih, lebih banyak unit akan digunakan untuk membayar amaan Tabarru' dan hanya tinggal lebihan kecil unit untuk mengumpul nilai tunai di bawah sijil anda. Sila ambil perhatian bahawa nilai tunai mungkin akan kurang daripada jumlah sumbangan yang telah anda bayar.
- **Sijil Luput** – Sijil akan luput apabila nilai DPP tidak mencukupi untuk ditolak amaan tabarru' dan lain-lain caj.
Nilai DPP anda mungkin menjadi tidak mencukupi di dalam masa beberapa tahun kerana:
 - a) Amaun Tabarru' yang tinggi jika anda menyertai banyak rider, dan terutamanya jika amaan tersebut bertambah setara dengan peningkatan usia anda;
 - b) Pulangan pelaburan yang tidak baik;
 - c) Jika anda berhenti membayar sumbangan di dalam satu tempoh masa yang panjang, tabarru' dan fi perkhidmatan bulanan mungkin menghabiskan dana anda.
- **Sumbangan Tambahan** – Anda dibenarkan untuk membuat sumbangan tambahan di bawah Sijil Takaful ini dan ini boleh dilakukan pada bila-bila masa semasa Sijil Takaful berkuatkuasa. Sumbangan tambahan minima ialah Ringgit Malaysia lima puluh (RM50).
- **Lien Juvana**
 Sekiranya berlaku kematian/HUMK sebelum hari lahir keempat peserta, jumlah perlindungan untuk manfaat kematian/HUMK yang perlu dibayar akan dikurangkan oleh Lien Juvana seperti yang ditunjukkan dalam jadual di bawah:

Umur pada hari lahir berikutnya	Jumlah Yang akan Dibayar
1	25% daripada RM <Jumlah Perlindungan Asas>
2	50% daripada RM <Jumlah Perlindungan Asas>
3	75% daripada RM <Jumlah Perlindungan Asas>
4 dan ke atas	100% daripada RM <Jumlah Perlindungan Asas>

- **Untuk Rider Penyakit Kritikal**

Tempoh Menunggu untuk Manfaat PK

- a) Kelayakan untuk mendapat perlindungan penyakit kritikal (kecuali untuk serangan jantung, kanser, pembedahan pintasan arteri koronari dan penyakit arteri koronari lain yang serius) hanya akan bermula tiga puluh (30) hari selepas tarikh Sijil Takaful berkuatkuasa atau tarikh penguatkuasaan semula Sijil Takaful, yang mana terkemudian.

- b) Kelayakan untuk mendapat perlindungan penyakit kritikal bagi serangan jantung, kanser, pembedahan pintasan arteri koronari dan penyakit arteri koronari lain yang serius hanya akan bermula enam puluh (60) hari selepas tarikh Sijil Takaful berkuatkuasa atau tarikh penguatkuasaan semula Sijil Takaful, yang mana terkemudian.

Had ke atas Manfaat PK – Manfaat PK yang akan dibayar kepada seorang peserta di bawah Sijil Takaful ini dan semua sijil individu dan berkelompok dengan AmMetLife Takaful adalah terhad kepada RM1,000,000.00.

Lien Juvana – Lien Juvana akan terpakai jika peserta didiagnoskan dengan mana-mana satu penyakit kritikal sebelum dia mencapai umur empat (4) tahun berdasarkan jadual di bawah:

Umur pada hari lahir berikutnya	Jumlah Yang akan Dibayar
1	25% daripada RM <Jumlah Perlindungan Asas>
2	50% daripada RM <Jumlah Perlindungan Asas>
3	75% daripada RM <Jumlah Perlindungan Asas>
4 dan ke atas	100% daripada RM <Jumlah Perlindungan Asas>

- **Untuk Rider MedCare-i + Rider MedCare-i Xtra**

Tempoh Menunggu – kelayakan perlindungan rider ini di bawah sijil hanya bermula tiga puluh (30) hari selepas tarikh berkuatkuasa/penguatkuasaan semula sijil, kecuali bagi perlindungan kemalangan, di mana perlindungan akan bermula dari tarikh berkuatkuasa/penguatkuasaan semula sijil.

Tempoh menunggu ini hanya diguna pakai untuk tahun pertama perlindungan. Bagaimanapun jika terdapat keberhentian dalam perlindungan takaful, tempoh menunggu akan dikenakan lagi.

Penyakit Spesifik bermaksud penyakit-penyakit berikut dan komplikasi-komplikasi yang berkaitan dengannya, yang berlaku dalam tempoh seratus dua puluh (120) hari yang pertama daripada tarikh berkuatkuasa/penguatkuasaan semula. Jika berlakunya pemberhentian dalam perlindungan takaful, tempoh seratus dua puluh (120) hari yang baru akan diguna pakai semula dari tarikh pengembalian semula:

- a) Tekanan darah tinggi, diabetes melitus dan penyakit kardiovaskular.
- b) Semua tumor, kanser, sista, nodul, polip, batu dalam sistem kencing dan sistem biliar.
- c) Semua keadaan telinga, hidung (termasuk sinus) dan tekak.
- d) Hernia, hemoroid, fistula, hidrosele dan varikosele.
- e) Endometriosis termasuk penyakit melibatkan sistem pembiakan.
- f) Gangguan spina vertebra (termasuk cakera) dan keadaan lutut.

Sekiranya anda menukar pelan dari satu pelan kesihatan kepada yang lain, anda mungkin tertakluk kepada keperluan pengunderitan baru, tempoh menunggu penuh dan mana-mana terma dan syarat yang terpakai bagi pelan baru.

- **Untuk Rider Kemalangan Diri**

Anda perlu mendedahkan kesemua fakta penting seperti pekerjaan, hobi yang memberi kesan terhadap profil risiko dan jumlah sijil kemalangan peribadi dari pengendali takaful atau syarikat insurans yang lain yang telah anda pertandingkan. Anda juga perlu memberitahu kami sekiranya anda sudah bertukar pekerjaan semasa tempoh perlindungan rider ini bagi pengiraan semula Tabarru'.

- **Untuk Rider Hospital Benefit**

Tempoh Menunggu – Perlindungan Rider Hospital Benefit akan bermula dengan serta merta untuk kemasukan hospital oleh sebab kemalangan dan tiga puluh (30) hari oleh sebab-sebab lain.

Peserta hanya layak untuk menerima manfaat ini jika dimasukkan ke hospital sebagai pesakit dalam sekurang-kurangnya selama enam (6) jam dan caj bilik dan makanan dikenakan.

Bayaran manfaat Rider Hospital Benefit tidak akan melebihi seratus (100) hari untuk setiap tahun sijil dan tiga ratus enam puluh lima (365) hari untuk sepanjang tempoh sijil.

Nota: Senarai ini adalah tidak menyeluruh. Sila rujuk kepada dokumen-dokumen Sijil Takaful untuk terma dan syarat yang lengkap.

7. Apakah pengecualian-pengecualian yang utama?

Manfaat	Pengecualian
Manfaat Kematian	<p>AmMetLife Takaful tidak akan membayar manfaat kematian sekiranya peserta meninggal dunia disebabkan perkara-perkara berikut:</p> <ul style="list-style-type: none"> a) bunuh diri (sama ada semasa waras atau tidak waras) dalam tempoh satu (1) tahun dari tarikh kuatkuasa; atau b) semasa Peserta di bawah pengaruh alkohol, narkotik atau dadah selain daripada yang dipreskripsi oleh pegawai perubatan yang bertauliah; atau c) jika kematian disahkan oleh sebab keadaan sedia ada. <p>AmMetLife Takaful hanya membayar nilai DPP.</p>
Manfaat HUMK	<p>AmMetLife Takaful tidak akan membayar manfaat HUMK untuk mana-mana hilang upaya menyeluruh dan kekal yang disediakan secara langsung atau tidak langsung, sepenuhnya atau sebahagian oleh perkara-perkara berikut:</p> <ul style="list-style-type: none"> a) cubaan untuk membunuh diri atau mencederakan diri sendiri sama ada semasa waras atau tidak waras; atau b) semasa berada di bawah pengaruh alkohol, narkotik atau salah guna dadah selain daripada yang dipreskripsi oleh pegawai perubatan yang bertauliah; atau c) hilang upaya adalah disebabkan oleh keadaan sedia ada; atau d) hilang upaya yang berlaku sebelum permulaan perlindungan takaful di bawah Sijil Takaful ini.
RIDER PILIHAN	
Rider	Pengcualian
Rider PK	<p>AmMetLife Takaful tidak akan membayar manfaat PK jika ianya disebabkan secara langsung atau tidak langsung, sepenuhnya atau sebahagian oleh perkara-perkara berikut:</p> <ul style="list-style-type: none"> a) cubaan untuk membunuh diri atau mencederakan diri sendiri sama ada semasa waras atau tidak waras; atau b) semasa berada di bawah pengaruh alkohol, narkotik atau salah guna dadah selain daripada yang dipreskripsi oleh pegawai perubatan yang bertauliah; atau c) jika PK disebabkan oleh keadaan sedia ada; atau d) PK yang berlaku sebelum permulaan perlindungan takaful di bawah Sijil Takaful.
Rider Contribution Waiver	<p>AmMetLife Takaful tidak akan membayar manfaat Rider Contribution Waiver jika PK disebabkan secara langsung atau tidak langsung, sepenuhnya atau sebahagian oleh perkara-perkara berikut:</p> <ul style="list-style-type: none"> a) bunuh diri atau cubaan bunuh diri atau kecederaan yang disebabkan sendiri; atau b) semasa dipengaruhi dadah atau kemabukan alkohol; atau c) jika Peserta didapati dijangkiti Virus HIV; atau d) penyakit sedia ada – jika penyakit kritis dialami sebelum tarikh rider berkuatkuasa atau tarikh penguatkuasaan semula, yang mana lebih kemudian.
Rider Payor Waiver	<p>AmMetLife Takaful tidak akan membayar manfaat Rider Payor Waiver jika kematian, HUMK atau PK disebabkan secara langsung atau tidak langsung, sepenuhnya atau sebahagian oleh perkara-perkara berikut:</p> <ul style="list-style-type: none"> a) bunuh diri atau cubaan bunuh diri atau kecederaan yang disebabkan sendiri; atau b) semasa dipengaruhi dadah atau kemabukan alkohol; atau c) jika Peserta didapati dijangkiti Virus HIV; atau d) penyakit sedia ada – jika penyakit kritis dialami sebelum tarikh rider berkuatkuasa atau tarikh penguatkuasaan semula, yang mana lebih kemudian; atau e) Hilang Upaya Sedia Ada – jika hilang upaya dialami sebelum tarikh berkuatkuasa atau tarikh penguatkuasaan semula rider, yang mana lebih kemudian.
MedCare-i Rider + MedCare-i Xtra Rider	<p>AmMetLife Takaful tidak akan membayar manfaat Rider MedCare-i + Rider MedCare-i Xtra jika rawatan, perkhidmatan atau keadaan disebabkan oleh perkara-perkara berikut:</p> <ul style="list-style-type: none"> a) keadaan sedia ada; atau b) penyakit-penyakit spesifik yang dialami dalam masa seratus dua puluh (120) hari pertama perlindungan secara berterusan; atau

	<ul style="list-style-type: none"> c) sebarang keadaan perubatan atau fizikal yang berlaku dalam tempoh tiga puluh (30) hari pertama dari tarikh berkuatkuasa atau tarikh penguatkuasaan semula rider, yang mana kemudian, kecuali untuk kecederaan kemalangan; atau d) jika Rider MedCare-i Xtra disertakan ke dalam pelan asas selepas tarikh berkuatkuasa Rider MedCare-i, sebarang keadaan kesihatan atau fizikal yang timbul semasa Tempoh Menunggu melainkan untuk Kecederaan, manfaat yang dibayar akan tertakluk kepada terma dan syarat Rider MedCare-i; atau e) pembedahan plastik/kosmetik, khatan, pemeriksaan mata, cermin mata dan pembetulan penglihatan dekat secara pembiasan atau pembedahan (Radial Keratotomi) dan penggunaan atau pembelian perkakas prostetik atau peralatan seperti anggota tiruan, alat bantuan pendengaran, perentak yang diimplan dan preskripsi-preskripsi seterusnya; atau f) keadaan pergigian termasuk rawatan gigi atau pembedahan mulut kecuali jika diperlukan akibat kecederaan kemalangan pada gigi asli yang sihat yang berlaku sepenuhnya semasa tempoh rider; atau g) khidmat jururawat peribadi, rehat dan pulih atau penjagaan sanatorium, dadah yang tidak sah, mabuk, pemandulan, penyakit kelamin dan sekuelnya, AIDS (Sindrom Kurang Daya Tahan Penyakit) atau ARC (Kompleks Berkait AIDS) dan penyakit berkait HIV (Virus Kurang Daya Tahan Manusia), dan sebarang penyakit berjangkit yang memerlukan kuarantine oleh undang-undang; atau h) sebarang rawatan atau pembedahan untuk Keadaan Kongential atau kecacatan termasuk penyakit keturunan; atau i) kehamilan, kelahiran anak (termasuk kelahiran untuk melalui pembedahan), keguguran, pengguguran dan perawatan dan pembedahan pra-natal atau pasca lahir, kaedah pencegahan kehamilan mekanikal atau kimia atau rawatan berkaitan ketidaksuburan, mati pucuk dan ujian rawatan berkaitan impotens atau pemandulan; atau j) penghospitalan terutamanya untuk tujuan siasatan, diagnosis, pemeriksaan sinar-x, pemeriksaan fizikal atau kesihatan am, yang tiada kaitan dengan rawatan atau diagnosis Hilang Upaya yang Dilindungi atau sebarang rawatan yang tidak Perlu Dari Segi Perubatan dan sebarang pencegahan, ubat pencegahan atau pemeriksaan yang dijalankan oleh Pakar Perubatan, dan rawatan khususnya untuk pengurangan atau peningkatan berat badan; atau k) bunuh diri, percubaan membunuh diri atau kecederaan diri yang disengajakan semasa siuman atau tidak; atau l) peperangan atau sebarang tindakan peperangan, diisyiharkan atau tidak, aktiviti jenayah atau pengganas, pekhidmatan aktif dalam sebarang angkatan senjata, penyertaan langsung dalam mogok, rusuhan dan kekacauan awam atau kebangkitan; atau m) radiasi pengionan atau pencemaran radioaktif oleh apa-apa bahan api nuklear atau sisa nuklear daripada proses pembelahan nuklear atau daripada sebarang bahan senjata nuklear; atau n) perbelanjaan yang ditanggung untuk pendermaan mana-mana organ oleh Peserta dan kos pemerolehan organ termasuk semua kos yang ditanggung oleh penderma semasa pemindahan organ dan komplikasinya; atau o) siasatan dan rawatan berkenaan gangguan tidur dan dengkur, terapi penggantian hormon dan terapi alternatif seperti rawatan, perkhidmatan atau bekalan perubatan, termasuk terapi tidak terhad kepada akupunktur, akutekanan, refleksologi, pengikatan tulang, rawatan pakar herba, urut atau aromaterapi atau rawatan alternatif lain; atau p) jagaan atau rawatan yang tidak memerlukan bayaran atau sehingga apa yang dibayar oleh mana-mana insurans atau indemniti lain yang melindungi Peserta dan Hilang Upaya akibat daripada tanggungjawab tugasan atau profesionnya yang dilindungi di bawah Sijil Insurans Pampasan Pekerja; atau q) psikotik, gangguan mental atau saraf (termasuk sebarang neurosis dan manifestasi fisiologi atau psikosomatiknya); atau r) kos/perbelanjaan perkhidmatan yang bukan bersifat perubatan, seperti televisyen, telefon, perkhidmatan teleks, radio atau kemudahan yang serupa, pek kemasukan hospital dan barang bukan perubatan lain yang tidak layak; atau
--	--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------

	<ul style="list-style-type: none"> s) penyakit atau Kecederaan yang timbul daripada sebarang jenis perlumbaan (kecuali lumba lari), sukan berbahaya seperti tetapi tidak terbatas kepada terjun udara, luncur air, aktiviti dalam air yang memerlukan peralatan pernafasan, sukan profesional dan aktiviti yang melanggar undang-undang; atau t) penerbangan persendirian melainkan sebagai penumpang tambang berbayar dalam sebarang sistem penerbangan komersial berjadual yang dilesenkan untuk membawa penumpang melalui laluan tetapnya; atau u) perbelanjaan yang ditanggung atas perubahan jantina; atau v) sebarang rawatan atau siasatan yang tidak Perlu Dari Segi Perubatan, atau untuk tujuan jagaan pemulihan, kawalan atau rehat.
Rider Kemalangan Diri	<p>AmMetLife Takaful tidak akan membayar manfaat Rider Kemalangan Diri jika kematian atau kecederaan disebabkan secara langsung atau tidak langsung, sepenuhnya atau sebahagian oleh perkara-perkara berikut:</p> <ul style="list-style-type: none"> a) risiko peperangan; atau b) sukan yang berbahaya; atau c) pembunuhan atau serangan yang diprovokasi; atau d) bunuh diri atau tidak siuman; atau e) penglibatan dalam sebarang pergaduhan; atau f) di bawah pengaruh alkohol atau sebarang dadah.
Rider Hospital Benefit	<p>AmMetLife Takaful tidak akan membayar manfaat Rider Hospital Benefit jika kemasukan ke hospital disebabkan oleh:</p> <ul style="list-style-type: none"> a) penyakit atau jangkitan yang berlaku dalam tempoh tiga puluh (30) hari dari tarikh berkuatkuasa atau tarikh penguatkuasaan semula rider, yang mana kemudian; atau b) pemeriksaan atau rundingan perubatan yang rutin; atau c) rawatan atau prosedur yang berkaitan dengan kehamilan atau bersalin; atau d) sebarang rawatan atau ujian yang berkait dengan AIDS, HIV atau penyakit jangkitan seks; atau e) sebarang pembedahan elektif, kosmetik atau pembedahan plastik selain daripada prosedur medikal yang mesti dilakukan akibat kecederaan kemalangan, pembedahan atau penyakit; atau f) terlibat atau mengambil bahagian di dalam sukan yang merbahaya; atau g) rawatan kerana sakit mental atau keceluaran psikiatri; atau h) kecederaan yang disebabkan sendiri semasa waras atau tidak waras, cubaan bunuh diri, salah guna alkohol dan ketagihan dadah.

Nota: Senarai ini adalah tidak menyeluruh. Sila rujuk kepada Sijil Takaful untuk senarai pengecualian, terma dan syarat yang lengkap.

8. Bolehkah saya membatalkan Sijil Takaful saya?

Penyertaan di dalam pelan berkaitan pelaburan ini adalah satu komitmen kewangan jangka panjang. Adalah tidak digalakkan untuk memegang Sijil ini untuk tempoh yang singkat memandangkan kos permulaannya yang tinggi. Jika anda mendapati bahawa dana pelaburan yang dipilih tidak lagi sesuai, anda mempunyai fleksibiliti untuk menukar dana. Jika anda membatalkan Sijil anda, anda mungkin menerima nilai yang kurang daripada jumlah sumbangan yang telah anda bayar dan anda dan keluarga anda tidak akan mendapat manfaat daripada pelan ini lagi.

Anda boleh membatalkan rider anda dengan memberi notis bertulis kepada pengendali. Pembatalan itu akan berkuatkuasa pada tarikh potongan Tabarru' seterusnya untuk rider itu.

9. Apakah yang perlu saya lakukan jika ada perubahan kepada butiran untuk menghubungi saya?

Anda perlu memberitahu AmMetLife Takaful secara bertulis jika ada perubahan kepada butiran untuk menghubungi anda untuk memastikan semua surat menyurat sampai kepada anda tepat pada masanya.

10. Di mana boleh saya dapatkan maklumat lanjut?

Sekiranya anda memerlukan maklumat tambahan mengenai Takaful Keluarga, sila rujuk kepada buku nota kecil insurance info "Takaful Keluarga", ianya boleh didapati di pejabat kami atau anda boleh mendapatkan salinannya daripada wakil AmMetLife Takaful atau layari www.insuranceinfo.com.my. Jika anda ada sebarang pertanyaan, sila hubungi kami di alamat di bawah.

AmMetLife Takaful Berhad (201101002936)

Tingkat 23, Menara 1 Sentrum,
No. 201, Jalan Tun Sambanthan,
50470, Kuala Lumpur.

Tel: 1 300 22 9777 Fax: (603) 2272 3229

Emel: customercare@ammetlifetakaful.com

Laman Sesawang: ammetlifetakaful.com

SMS

Taip AMT<jarak>Pesanan
Hantar ke 33911

Jika anda perlu membuat tuntutan, anda mesti menghantar pemberitahuan bertulis kepada AmMetLife Takaful. Untuk tuntutan perubatan dan kemalangan, ianya perlu dihantar dalam tempoh tiga puluh (30) hari dari tarikh kejadian manakala untuk tuntutan lain, ia adalah dalam tempoh enam puluh (60) hari dari tarikh kejadian.

Apabila kami telah menerima pemberitahuan tersebut, kami akan memaklumkan kepada anda mengenai dokumen-dokumen yang perlu dilengkapkan dan hantarkan kepada kami untuk memproses tuntutan anda.

11. Perlindungan Takaful Keluarga lain yang serupa.

Sila hubungi AmMetLife Takaful untuk pelan-pelan lain yang serupa yang ditawarkan oleh AmMetLife Takaful.

NOTA PENTING:

INI ADALAH PRODUK TAKAFUL YANG BERKAIT DENGAN PRESTASI ASET-ASET SANDARAN, DAN BUKAN PRODUK PELABURAN TULEN SEPERTI UNIT AMANAH. ANDA HENDAKLAH MENILAI PILIHAN-PILIHAN ANDA DENGAN TELITI DAN BERPUAS HATI BAHAWA PELAN TAKAFUL BERKAITAN PELABURAN YANG DIPILIH MEMENUHI KEPERLUAN RISIKO ANDA, DAN ANDA MAMPU MEMBUAT SUMBANGAN SEPANJANG TEMPOH SIJIL. UNTUK MENINGKATKAN NILAI PELABURAN PADA BILA-BILA MASA, ANDA DISARankan MEMBUAT SUMBANGAN-SUMBANGAN TAMBAHAN SEBAGAI 'SUMBANGAN TAMBAHAN'. PULANGAN BAGI DANA BERKAITAN PELABURAN ADALAH TIDAK DIJAMIN.

1. Sila ambil perhatian bahawa dokumen ini hanya untuk rujukan sahaja dan tidak menjadi sebahagian daripada Sijil Takaful dan/atau nasihat profesional. Terma dan syarat penuh pelan ini dinyatakan di dalam Sijil Takaful.
2. Dokumen ini hendaklah dibaca bersama Ilustrasi Manfaat yang disediakan oleh wakil AmMetLife Takaful.
3. Semua permohonan untuk menyertai pelan takaful ini mestilah dibuat dengan mengisi Borang Permohonan Takaful Keluarga. AmMetLife Takaful berhak untuk menerima atau menolak mana-mana permohonan berdasarkan budi bicara AmMetLife Takaful.
4. Anda mestilah berpuas hati bahawa pelan ini menepati keperluan anda dan sumbangan yang perlu dibayar di bawah Sijil Takaful ini adalah amaun yang anda mampu bayar.
5. Manfaat-manfaat yang dibayar di bawah sijil yang layak adalah dilindungi oleh PIDM sehingga had perlindungan. Sila rujuk Brosur Sistem Perlindungan Manfaat Takaful dan Insurans PIDM atau hubungi AmMetLife Takaful Berhad atau PIDM (layari www.pidm.gov.my).